

Poziv za učešće u dijaloškoj raspravi o reformi pravosuđa

Sarajevo, 18. 04. 2023.

Inicijativa Zajedničkog koordinacionog tijela udruženja sudija i tužilaca u Bosni i Hercegovini

Pozivamo Vas na drugi skup udruženja sudija i tužilaca iz Bosne i Hercegovine o zakonodavnoj reformi pravosuđa u BiH. Skup je inspirisan činjenicom da reforma pravosuđa može biti uspješna samo ako se osigura kontinuirana programska saradnja sve tri grane javne vlasti i podrazumijeva dijalog strukovnih udruženja u pravosuđu sa nosiocima zakonodavne i izvršne vlasti.

Udruženja tužilaca i sudija okupljena pod Zajedničkim koordinacionim tijelom (ZKT BiH) će na drugom skupu razgovarati sa nosiocima zakonodavne i izvršne vlasti te drugim pozvanim akterima o Nacrtu Zakona o sudovima BiH i neizvršavanju odluka ustavnih sudova u BiH. Donošenje novog Zakona o sudovima BiH u Mišljenju Evropske komisije postavljeno je kao jedan od 14 prioriteta koje Bosna i Hercegovina mora ispuniti na putu ka narednoj fazi pristupanja članstvu u EU. Na skupu će biti razmotrena predložena rješenja za osnivanje Višeg suda BiH s aspekta njegove nadležnosti, načina izbora sudija i sjedišta i identificirana sporna mjesta koja mogu prouzročiti probleme u radu državnog pravosuđa.

Odluke ustavnih sudova u BiH su konačne i obavezujuće, a prema relevantnim odredbama važećih krivičnih zakona u BiH njihovo neizvršavanje se smatra krivičnim djelom. Iako se odluke ustavnih sudova u BiH općenito izvršavaju, postoji jedan broj trenutno neizvršenih odluka koji temeljno podriva jedan od najznačajnijih ustavnih principa - vladavinu prava. Na skupu će biti detaljno razmotreni odgovarajući aspekti ovog „fenomena“, uključujući pitanja krivično-pravne odgovornosti.

Ovim Vas pozivamo na dijalog i molimo da učestvujete u njegovom radu. Ukoliko niste u mogućnosti da Vi lično učestvujete na skupu molimo Vas da delegirate nekog relevantnog ispred Vaše institucije da učestvuje na skupu i diskusiji.

Dnevni red i podaci o skupu su u prilogu ovog poziva. Molimo da potvrdite učešće na email zktbih@gmail.com do petka, 21. 04. 2023. godine.

S poštovanjem,

Zajedničkog koordinacionog tijela udruženja sudija i tužilaca u BiH

Inicijativa Zajedničkog koordinacionog tijela udruženja sudija i tužilaca u Bosni i Hercegovini

„Dijalog strukovnih udruženja u pravosuđu sa nosiocima zakonodavne i izvršne vlasti u Bosni i Hercegovini: Evropske integracije i reforma pravosuđa u Bosni i Hercegovini – stanje i perspektive“

Druga Sesija

Zgrada Parlamentarne skupštine Bosne i Hercegovine – Sala 1

ponedjeljak, 24. 4. 2023. godine, sa početkom u 13.00 sati

Dnevni red

- | | |
|----------------------|---|
| 13:00 – 13:30 | Uvodno obraćanje, Goran Nezirović – sudija Vrhovnog suda FBiH
Prezentacija Zaključaka sa Prve Sesije od 5. aprila 2023. i uvod u tematiku Druge Sesije |
| 13:30 – 14:15 | Zakon o sudovima BiH
Govornici: Hilmo Vučinić, sudija Suda BiH |
| 14:15 – 14:45 | Diskusija i pitanja |
| 14:45 – 15:05 | Kafe pauza |
| 15:05 – 15:50 | Neizvršavanje odluka ustavnih sudova u BiH
Govornici: Aleksandra Martinović, predsjednica Ustavnog suda FBiH |
| 15:50 – 16:20 | Diskusija i pitanja |
| 16:20 – 16:30 | Završne napomene, Goran Nezirović – sudija Vrhovnog suda FBiH |